

明鑑

印鸾章
李介人 修訂



明鑑

印鸾章 李介人 修订



DA18/07

首都师范大学图书馆



20989181

北京市中国书店

989181



据1936年世界书局版影印

明 鉴

出版：北京市中国书店

发行：北京市新华书店

印刷：89920部队印刷厂

1985年3月第1版 1985年3月第1次印刷

开本：850×1168 1/32 印张：18.625

定价：2.90元

序

編年之書。奚啻數十百家。而必以朱子通鑑綱目爲準。通鑑綱目。蓋祖述春秋之義。雖取裁於司馬氏之書。而明天統正人紀。昭監戒。著幾微。得春秋大居正之義。雖司馬氏有不能窺其藩籬者。其他蓋不必指數矣。嘗謂讀書立言之士。論世爲難。非如朱子人格致誠正之功。明治亂興衰之故。其於筆削。鮮有不任予奪之私。失褒貶之公者。自綱目成。而義指正大。條理精密。後儒有所依據。踵而續之。由宋迄元。釐然方策。至明代君臣事蹟。編輯之難。更倍於諸書。蓋明史已成於百年之後。而世變風漓。記載失實。若復遲待。將何以繼續編而示來許。爰亟命儒臣。法朱子通鑑綱目義例。增損編摩。大書以提要。分注以備言。每一卷成。呈覽。朕於幾暇。亦時御丹鉛。爲之參定。雖於天人一貫之精微。未之能盡。而惟是謹嚴之義。守而弗失。簡正之旨。志而必勉。書既成。羣臣舉唐太宗之事爲言。勉從其請。而爲之序云。

乾隆十一年夏四月朔日

目次

卷一

太祖高皇帝.....一

卷二

恭閔惠皇帝.....六五

成祖文皇帝.....八三

仁宗昭皇帝.....一一五

宣宗章皇帝.....一一七

卷三

英宗皇帝.....一三七

景皇帝.....一六六

卷四

英宗皇君.....一九七

憲宗純皇帝……………二〇六

卷五

孝宗敬皇帝……………二四三

武宗毅皇帝……………二六六

卷六

世宗肅皇帝……………三〇三

穆宗莊皇帝……………三六九

卷七

神宗顯皇帝……………三八三

光宗皇帝……………四六二

卷八

熹宗哲皇帝……………四六九

莊烈帝……………五〇七

明鑑綱目卷一

太祖高皇帝

帝姓朱氏。名元璋。字國瑞。濠州鍾離人。父世珍。母陳氏。生四子。帝其季也。年十七爲僧。二十五起兵滁州。初依郭子興。後

從渡江。克金陵。以次平定東南。移師北伐。凡十有五載而成帝業。

太祖
建國

戊申

元順帝至正二十八年。明太祖高皇帝洪武元年。是歲閏七月元帝出奔。

春正月。吳相國李善長等。尊吳

王朱元璋爲皇帝。國號明。

元璋先世家沛。徙句容。再徙泗州。父

世珍。始徙濠之鍾離。母陳氏。元璋姿貌雄傑。志意廓然。年十七。父母相繼歿。孤無所依。乃入皇覺寺爲僧。至正十二年。從郭子興於濠州。子興奇其狀貌。留爲親兵。戰輒勝。明年收里中兵得七百人。子興署爲鎮撫。與徐達湯和等略定遠。下滁州。得李善長。與語大悅之。留掌書記。十五年子興卒。劉福通立韓林兒於亳。檄元璋爲副元帥。不受。遂渡江拔牛渚。下太平。取集慶路。以次略定江左。二十四年。自立爲吳王。建百官。遂降陳理。執張士誠。走方國珍。盡有淮南浙東江西荆楚地。二十七年。命諸將北定中原。善長帥百官勸進。乃以是年春正月乙亥。祀天地於南郊。卽皇帝位。定國號曰明。建元洪武。追尊祖考爲皇帝。

立國

建元
洪武

立妃馬氏爲皇后。世子標爲皇太子。

后郭子興撫女也。仁慈

氏爲
皇后

以李
善長
徐達
爲左
丞相

傷和
克福
建

有智鑒。好書史。帝既定江南。吳漢接壤。戰爭無虛日。后手緝甲士衣履佐軍。嘗言治天下以不殺人爲本。既卽位。欲官后族。后謝曰。爵祿私外家非法。力辭而止。乃追封后父馬公徐王。修墓置廟。標后長子也。

圖以李善長爲左丞相。徐達爲右丞相。圖善長少習法家言。有智

計。帝嘗從容問曰。四方戰鬪何時定乎。對曰。漢高祖起布衣。豁達大度。知人善任。五載成帝業。今元綱旣紊。天下土崩瓦解。公豪產。距沛不遠。山川王氣。公當受之。法其所爲。天下不足定也。帝稱善。諸將來歸者。善長察其材。言之帝。復爲帝布款誠。使皆得自安。帝深倚之。自將征討。皆命居守。轉調兵餉無乏。嘗請立茶鹽法。斟酌元制。去其弊政。用益饒。而民不困。帝稱吳王時。拜右相國。至是改官制尙左。以爲左丞相。

圖征南將軍湯和克福建。元平章陳友定死之。圖友定守閩。帝命

和由明州海道取福州。胡美由江西趨杉關。而別遣使至延平。招友

定。友定置酒會諸將。殺使者。瀝血酒中。與衆酌飲之。誓以死守。已聞

杉關破。急分軍爲二。以一軍守福。而自帥一軍守延平。和舟師抵福

之五虎門。在福建閩侯縣海中五虎山下。蟻附登城。守將遁去。參政尹克仁。宣政使多

爾瑪。舊作梁爾麻。今改。不屈死。僉院拜特穆爾。殺妻女縱火自焚死。時胡美已

陳友
定死

閻中
三忠
修女
誠

廖永
忠克
廣東

徐達

克建甯。和遂進攻延平。友定欲以持久困之。諸將請出戰不許。數請不已。友定疑其部將殺一人。軍士多出降者。會軍器局災。城中礮聲震地。明師知有變。急攻之。友定呼其屬與訣。退入省堂。仰藥死。所部開門納明師。昇友定出水東門。未絕也。天大雷雨。友定復甦。械送京師。入見帝。詰之。友定厲聲曰。國破家亡。死耳。尚何言。遂併其子殺之。延平既下。興化泉州。皆望風附。獨漳州路達嶺。噶齊德爾密什回回人自殺。時稱閩有三忠。謂友定。拜特穆爾。德爾密什也。

綱三月修女誠。帝謂翰林學士朱升等曰。治天下以正家爲先。正家之道。始於謹夫婦。后妃雖母儀天下。然不可俾與政事。嬪嬙之屬。不過備職事。侍巾櫛。恩寵或過。則驕恣犯分。上下失序。歷代政由內出。鮮不爲禍。惟智者能察之於未然。其纂述女誠及古賢后妃事。可爲法者。使子孫知所持守。

綱夏四月。征南將軍廖永忠克廣東。永忠自福州以書諭元行

省左丞何眞。字邦佐。東莞人。曉譬利害。眞卽奉表迎降。永忠至廣州。降盧左

丞。擒海寇邵宗愚。數其殘暴斬之。廣人大悅。馳諭九眞。日南。珠崖。儋耳。三十餘城。皆納印請吏。又遣陸仲亨。漢人。略定清遠。英德。連州。廣東

悉平。

綱征虜將軍徐達常遇春。大破元兵於洛水北。元梁王阿哩袞察罕特穆爾之

父。以河南降。徐達下山東。會遇春於濟寧。引舟師泝河趨汴梁。守將李克彝走。左君弼珠占等降。遂自虎牢關入。元守將托音特穆爾。以兵五萬陣洛水北。遇春單騎突陣。元兵二十餘騎攢刺之。遇春一矢殪其前鋒。大呼馳入。元兵大潰。追奔五十餘里。梁王阿哩袞降。嵩陝陳汝諸州。次第略定。帝如汴梁。改爲開封府。召徐達至行在。命率師北伐。諭之曰。中原之民。久爲羣雄所苦。故命將北伐。拯民水火。元祖宗功德在人。其子孫罔恤民隱。天厭棄之。君實有罪。民則何辜。前代革命之際。肆行屠戮。朕實不忍。諸將毋肆焚掠。妄殺一人。元之宗戚。咸俾安全。庶幾上答天心。下慰民望。達頓首受命。帝尋還應天。

都督馮勝克潼關。

既取河南。李思齊張良弼。

明史作張思道。今仍從元史。

合

兵駐潼關。會火焚良弼營。思齊移軍蘆灘。

在陝西華陰縣渭水南。

明師遂陷潼關。思齊奔鳳翔。良弼奔郿城。尋共推思齊爲總兵。諸將皆以兵會之於鳳翔。

於鳳翔。

六月。平章楊璟克廣西。

璟攻永州。

元將鄧祖勝斂兵固守。璟

分營築壘。造浮橋西江。急攻之。祖勝力盡。仰藥死。遂克永州。以次定寶慶。全州。道州。藍山。諸州縣。進攻靖江不下。璟謂諸將曰。彼所恃西濠水耳。決其堤岸。破之必矣。乃遣將殺守隄兵。盡決濠水。築土隄五

徐達
入大都

元帝
北去

道傳城攻兩月。會廖永忠、朱亮祖自廣東陷梧州。連破潯、桂、鬱、林。亮祖以兵來會。總制張榮約降。環與之白帽為識。夜半從寶賢門入。執平章額爾吉訥。舊作也兒吉尼。今改。移師彬州。降雨江土官黃英、岑巴延等。永忠亦陷南寧、象州。廣西悉平。

綱秋七月。明師克通州。元帝北去。八月。徐達入大都。監國淮王特穆爾布哈死之。元亡。

目徐達帥師發開封。遣裨將分道徇河北地。連下衛輝、彰德、廣平。次臨清。使傅友德以輕兵先進。開陸路通步騎。顧時。字時舉。懷人。浚河。通舟師。會常遇春已陷德州。合兵陷長蘆。扼直沽。作

浮橋濟師。水陸並進。遂陷通州。知樞密院事布延特穆爾力戰被執。死之。元帝于是詔淮王特穆爾布哈監國。以慶同為左丞相。同守京

師。御清寧殿。集三宮后妃皇太子議避兵北行。左丞相錫哩瑪勒知樞密院事赫色。舊作黑肱。今改。後仿此。宦者趙巴延布哈以為不可。帝不聽。巴延

布慟哭曰。天下者。世祖之天下。陛下當以死守。奈何棄之。臣等願率諸軍民及諸集賽等出城拒戰。願陛下固守京城。卒不聽。夜半。開健

德門北去。達陳兵齊化門。將士填濠登城入。淮王及左丞相慶同、平章德爾畢什。舊作迭兒。舊作朴賽。因不花。今並改。右丞相張康伯、御史

中丞穆辰川。舊作滿。今改。等不降。殺之餘不戮一人。封府庫及圖籍寶物。令指揮張勝以兵千人守宮殿門。宦者護視宮人妃主。禁士卒毋侵暴。

元亡

以應

天開

封為

南北

二京

建大

劉基

致仕

徵元

故官

陶安

卒

吏民安堵。市肆不移。遣傅友德等分守古北諸隘口。元亡。

以應天為南京。開封為北京。先是帝幸汴梁。將營都而未果。

及是既克元都。遂有是命。且下詔。將以春秋巡狩。謂曰。朕觀中原土壤。四方朝貢。道里適均。

其以金陵為南京。大梁為北京。朕於春秋往來巡狩。播告爾民。使知朕意。尋又命從北平軍民於北京。

始建六部。中書省初設四部。掌錢穀禮儀刑名營造之事。至

是定置吏戶禮兵刑工六部。設尚書侍郎等官。仍屬中書省。各部各設郎中。員

外郎。主事。分理庶務。考供武時。設官建置。不在一時。今據明史百官志。舉其要者隨時以書。餘不具載。

御史中丞劉基致仕。初帝北巡。命李善長與基留守。中書省

都事李彬犯法。基按之。罪當死。彬素附善長。善長請緩其獄。基不聽。

奏上。竟殺彬。方奏至。會祈雨。善長曰。禱雨可殺人。基曰。殺之。天必雨。遂斬彬。由是善長銜基。及帝還。

善長總基專恣。言基殺人增壘。下。不敬。會基有妻喪。遂告歸。冬十一月。手召基

還。徵元故官至京師。既至。帝御奉天門。召問元政得失。馬翌對

曰。元有天下。以寬得之。亦以寬失之。帝曰。以寬得之。則聞之矣。以寬

失之。則未之聞也。元季君臣。耽於逸樂。馴至淪亡。其失在縱弛。實非

寬也。聖王之道。寬而有制。不以廢事為寬。簡而有節。不以慢易為簡。

施之適中。則無弊矣。

九月。江西行省參政陶安卒。安博涉經史。帝渡江時。首謁軍

詔求賢才

建大本堂

徐達克山西

門。陳王道。吳元年。徵諸儒議禮。命安爲總裁官。諸禮多所裁定。至是卒。追封姑孰郡公。

冬十一月。詔使訪求賢才。以孔子五十六世孫希學。字士襲

封衍聖公。希大世襲曲阜縣知縣。元時衍聖公秩三品。帝謂禮部曰。

孔子萬世師。後嗣秩止三品。弗稱。其授希學秩二品。賜銀印。置衍聖

公官屬。日掌書。典籍。司樂。知印。奏差。書寫。各一人。立孔顏孟三氏學。教授。學錄。學司。各一人。尼山泗

水。二書院。各設山長一人。復孔氏子孫。及顏孟大宗子孫徭役。其官屬。皆衍聖公選舉。

建大本堂。延儒臣教授太子諸王。上時臨幸。商榷古今。評論

經史。上嘗御文樓。太子侍。問近與儒臣講何史。對曰。漢七國事。上問曲直安在。對曰。曲在七國。上曰。此講官一偏之說。景帝爲太子時。以博局殺吳世子。及爲帝。又輕竅龜錯黜削諸侯。七國之變。實由於此。若爲諸子講此。則當言諸王當上尊天子。毋撓天子公法。如此。則爲太子者。知敦睦九族。隆親親之恩。爲諸子者。知夾輔王室。盡君臣之

義矣。

十二月。徐達克太原。元庫庫特穆爾走甘肅。山西平。達既定

元都。進取山西。常遇春先下保定。中山真定。馮勝湯和。下懷慶。度太

行。取澤潞。庫庫特穆爾遣將來禦。戰於韓店。在山西長治縣南。楊璟大敗。會元

帝自開平。注見前。命庫庫特穆爾復大都。庫庫特穆爾乃引兵出雁門。

由居庸以攻北平。達聞之。謂諸將曰。庫庫特穆爾遠出。太原必虛。北

平有孫都督。時於北平置燕山六衛。命都督副使孫興祖。僉事華雲龍守之。○與祖濠人。雲龍。定遠人。足以禦之。今乘敵

不備。直擣太原。所謂批亢擣虛者也。彼若還救太原。進退失據。必成

立廟
臣

倭寇
詔修
元史

擒矣。諸將皆曰：「善。」乃率師趨太原。庫庫特穆爾至保安。元州。明廢。復置。今直隸涿鹿縣。聞之，果還救。遇春謀於達曰：「我騎兵雖集，步卒未至，驟與戰，必多殺傷。若夜襲之，可得志。」達然之。會庫庫特穆爾將呼必勒瑪。舊作結鼻馬。今改。約降，請為內應。達夜選精騎襲其營。庫庫特穆爾方然燭治軍書，倉卒不知所出，跌一足，乘驕馬從十八騎遁。呼必勒瑪降，得甲士四萬，遂克太原。進收大同，分遣馮勝等，徇猗氏、平陽，降擒其守將。榆次平，遙介休以次下。山西悉平。

己酉。武洪二年。春正月。立功臣廟。

帝親定功臣位次。以徐達

為首。次常遇春。李文忠。鄧愈。湯和。沐英。胡大海。字通甫。虹人。馮國用。勝之兄。趙

德勝。字仁輔。定遠人。五河人。耿再成。字德甫。合肥人。吳良。定遠人。初名國寶。後賜名。吳楨。良之弟。初名國寶。後賜名。曹良臣。安豐人。從舉。張德勝。字壽卿。合肥人。吳復。字伯起。合肥人。茅成。定遠人。孫興祖。凡二十二入。立廟雞鳴山。住見前。下死者

像祀。生者虛其位。又以廖永安。字彥敬。永定之兄。俞通海。張德勝。桑世傑。無為人。

耿再成。胡大海。趙德勝。七人。配享太廟。

倭寇山東。比明倭寇之始。

二月。詔修元史。

大都既克。得元十三朝實錄。乃詔修元史。以

左丞相李善長監修。前起居注宋濂。漳州府通判王禕。字子充。義烏人。為總

裁。徵山林隱逸之士。汪克寬。字德一。祁門人。胡翰。字仲伸。金華人。陶凱。字仲立。臨海人。曾魯。字

德一。字仲立。金華人。陶凱。字仲立。臨海人。曾魯。字

元侵
通州

徐常
陝

之。新高啓。字季迪。長洲人。趙訪。字子常。休寧人。等十六人爲纂修。帝諭善長等曰。元初君臣檢人。時號小康。後世嗣君荒淫。權臣跋扈。兵戈四起。民命顛危。間有賢智之臣。忠藎之士。而不見信。遂至土崩。其間君臣行事。有善有不。賢人君子。或隱或顯。其言行亦多可稱者。爾等務直述其事。毋溢美。毋隱惡。以垂鑒戒。 閏六月書成。而元統以後之史未備。乃分遣

使者十二人。往北平山東采遺事。明年續修。仍以廉禕總其事。先是元元翰林學士承旨危素。總所居報恩寺。將入井。寺僧大梓力挽之。曰國史非公莫知。公死是死國史也。素遂止。兵迫史庫。往告鎮撫吳勉。勉輦而出之。元實錄得無失。及素至京。授翰林侍讀學士。年已七十餘。一日帝御東閣側室。素行簾外。履聲震臺然。帝問誰也。對曰。老臣危素。帝曰。朕謂是文天祥耳。御史王著希旨。論素亡國之臣。不宜列侍從。詔謫居和州。守余闕廟。歲餘卒。

○危素。字大樸。金谿人。

元丞相伊蘇侵通州。平章曹良臣擊走之。大軍徇山西。北平

守備單弱。曹良臣守通州。兵不滿千人。伊蘇將萬騎營白河。注見前。良

臣曰。吾兵少。不可與戰。當以計走之。乃於瀕河舟中。多立赤幟。五十

餘里。鉦鼓聲相聞。伊蘇驚遁。良臣出精騎。逐北百餘里。元兵自是不

敢窺北平。

三月。徐達克奉元。常遇春克鳳翔。元將李思齊據鳳翔。張思

道。即張良弼。注見前。孔興圖。魯卜等駐鹿臺。即鹿苑原。在陝西高陵縣西南。實字記原上有鹿臺祠。禱雨輒應。以衛奉

元。徐達兵入關。思道遁去。郭子興。此郭子興。一將輕騎直擣奉元。守將

棄城走。御史桑圖錫里。郎中昂克。舊作王。檢討阿什克布哈。舊作阿失。不

三原尹朱春。俱抗節死。桑圖錫里。力窮不屈。與妻子投崖死。昂克仰藥死。阿什克

君能盡忠。吾豈不能殉節。俱投崖死。遂改奉元路爲西安府。時關中饑。詔戶賑米三石。民

馮勝
洵臨

大悅遇春兵至鳳翔。思齊奔臨洮。

夏四月。馮勝洵臨洮。李思齊降。

時張思道弟良臣守慶陽。徐

達會諸將議所向。皆曰。張思道之才。不如李思齊。而慶陽易於臨洮。

請先慶陽。達曰。不然。慶陽城險兵精。猝未易拔。臨洮西控羌戎。北界

河湟。得之。其人足備戰鬪。物產足佐軍儲。蹙以大軍。思齊不西走。則

束手就降矣。臨洮既克。于旁郡何有。遂度隴克秦州。下伏羌寧遠。

改縣。今甘肅武山縣。入鞏昌。遣馮勝偕臨洮。思齊果不戰降。初。思齊在鳳翔。帝以書諭

以漢侍寶融之禮相報。思齊得書欲降。其養子趙琦。本狄道人。給思齊奔吐番。思齊信之。

遂奔臨洮。琦私竊寶貨婦女。逃匿山谷間。思齊窮蹙遂降。琦尋亦來歸。思齊至京。帝深慰

之。授江西行省左丞。不之官。久之。遣往招諭庫庫特穆爾。至則待以禮。尋使騎士送之

還。至塞下。辭曰。主帥有命。請留一物為別。思齊曰。吾遠來無所賚。騎士曰。願得公

一臂。思齊知不能免。遂斷與之。還未幾卒。

章盜
春克

辛章

五月。御史中丞章盜卒。

盜與劉基。並拜御史中丞。時廷臣伺帝意。多尙嚴苛。

遭母喪。乞終制。不許。鄉兵既集。再乞終制。許之。哀毀卒。帝痛惜。親撰文祭之。

六月。常遇春克開平。元帝奔和林。先是。遇春下鳳翔。詔還備

北平。以李文忠副之。至是。遇春文忠帥步騎九萬。敗元將江文清於

錦州。敗伊蘇於全寧。

元置全寧路。明廢。故城在今喀喇沁故大寧城西北。進攻大興州。即興州。金末嘗

呼爲小興州。故名此。分千騎爲八伏。守將夜遁。盡擒之。遂拔開平。元帝北

走。追奔數百里。獲其宗王齊克慎。

舊作慶生。今改。平章鼎珠等斬之。凡得將

士萬人。車萬輛。馬三千匹。牛五萬頭。薊北悉平。

常遇春卒

李文忠敗元兵

定內侍官制高麗國王

徐達克復陽

綱秋七月。征虜副將軍鄂國公常遇春卒於軍。諡忠武。詔李文忠領其

衆。遇春師還。次柳河川。在直隸龍門縣西。暴疾卒。年僅四十。遇春沈鷺果敢。善撫士卒。摧鋒陷陣。未嘗敗北。雖不習書史。用兵輒與古合。自言能將十萬衆。橫行天下。軍中稱常十萬長子大將軍達二歲。聽約束惟謹。一時名將稱徐常。喪歸帝用宋太宗喪趙普故事。臨於龍江。關名。今在江蘇江寧縣西。儀鳳門外。追封開平王。

綱八月。元兵攻大同。李文忠擊敗之。人曰。關外之事。苟利於國。專之可也。遂出雁門。敗元遊兵於馬邑。擒其平章劉特穆爾。進至白楊門。在山西馬邑縣北。天雨雪。已駐營。文忠引數騎入山察視。疑其有伏。遽令移前五里。阻水以自固。元兵果乘夜來劫。文忠下令。先堅壁不動。質明。敵大至。以二營委之。殊死戰。度敵疲。乃出精兵左右擊。大破之。擒其將圖魯卜。俘戮萬餘人。窮迫至孟克桑。方輿紀要。在大同府邊外。舊作莽哥。今改。而還。先是元帝北走。圖魯卜孔與。以重兵攻大同。欲圖恢復。及是圖魯卜既被擒。孔與走綏德。其部將斬之來降。元帝知事無濟。不復南向矣。○據噶爾布。舊作蓋里伯。今改。

綱定內侍官制。論吏部曰。內臣但備使令。毋多人。取之之道。當使畏法。勿令有功。畏法則檢束。有功則驕恣矣。

綱封王。顯爲高麗國王。顯先是顯遣使朝貢。且請封。遂有是命。

綱徐達克復陽。擒張良臣。斬之。陝西平。達自臨洮下蘭州。襲走元豫王。盡收其部落輜重。還出蕭關。克平涼。張思道懼。使其弟良臣守慶陽。而自奔寧夏。爲庫庫特穆爾所執。良臣以慶陽降。達遣薛顯人。受之。良臣先出迎。尋復叛。襲傷顯。達督兵圍之。良臣之降也。捷奏至京。帝戒達曰。張思道兄弟多

人。受之。良臣先出迎。尋復叛。襲傷顯。達督兵圍之。

卷一 太祖高皇帝

二

此爲試讀，需要完整PDF請訪問：www.ertongbook.com